

Uunga siunnersuut: Imaani avatangiisit illersorneqarnissaat pillugu Inatsisartut inatsisaat nr. xx, 2017-imeersoq

(Pinngortitamut Avatangiisinullu Naalakkersuisoq)

Akissuteqaat

(Pinngortitamut Avatangiisinullu Naalakkersuisoq)

Aappassaanneerqarnera

Naalakkersuisut sinnerlugit Eqqissimatitsinermut Avatangiisinullu Ataatsimiititaliaq inatsisissatut siunnersuummik misissueqqissaarneranut qutsavigaara. Eqqissimatitsinermut Avatangiisinullu Ataatsimiititaliap siunnersuutip akuersissutigineqarnissaa inassutigaa.

Ataatsimiititaliap isumaliutissiisummini inatsisissatut siunnersuummi anguniakkat qitiusut pilersitallu nutaat saqqummiuppai, tamatumalu peqatigisaanik inatsisissatut siunnersuutip pilersinniarneqarnerani suliat ingerlanerat saqqummiullugit. Tamatumunnga atatillugu Ataatsimiititaliap maluginiarpaa, inatsisissatut siunnersuummi tusarniaanermi akissuteqaatit suliarineqarnerini ilusissanut piomasqaatit, Inatsisartut Siulittaasoqarfianit aalajangersarneqartut tunngavigineqarsimasut, aammalu Naalakkersuisut siullermeerinerneqarnerani apeqqutit allakkatigut akissuteqarfigisimagaat.

Partii Naleraq inatsisissatut siunnersuutip siullermeerneqarnerani siunnersuutip kalaallisoortani oqaaseq ”pillaaneq” atorneqarmat uparuaavoq. Taassuma naleqqutinnginneranut Naalakkersuisut isumaqataapput. Taamaattumik allannguutissatut siunnersuummik suliaqartoqarpoq, taamaalillunilu oqaaseq ”pillaaneq” pineqaatissiinerit eqqartorneqarnerini atorneqarunnaarpoq. Inatsisissatut siunnersuutip danskisoortani oqaaseq pineqaatissiisarneq atorneqareerpoq, taamaattumillu allanngortinneqarani.

Naalakkersuisut ataatsimiititaliaq inatsisissatut siunnersuummut tapersiineranut qutsavigaat.

Taamatut oqaaseqarlunga Naalakkersuisut sinnerlugit siunnersuut, allannguutissatut siunnersuummik saqqummiunneqartumik ilaqartinneqartoq Inatsisartuni suliareqqitassanngorlugu saqqummiuppara.